



Broj: 01/12-02-2534/23
Datum: 24.10.2023. godine

Datum: 24.10.2023.		7.6.10.2023	
Op. br.	Broj	Prilog	Vrijeme

**PREDSTAVNIČKOM DOMU
PARLAMENTA FEDERACIJE BIH**

Komisija za pitanja mladih Predstavničkog doma Parlamenta Federacije BiH (u daljnjem tekstu: Komisija) na 6. sjednici, održanoj 24.10.2023. godine razmatrala je sljedeći dnevni red:

1. Informacija o realizaciji usvojenih zaključaka Komisije,
2. Prijedlog Odluke o usvajanju Strategije zapošljavanja u Federaciji BiH (2023.-2030.),
3. Izvještaj o radu Federalnog zavoda za zapošljavanje za 2022. godinu,
4. Tekuća pitanja.

Na osnovu člana 44. a u vezi sa članom 68. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

IZVJEŠTAJ

Ad-1. Informacija o realizaciji zaključaka Komisije

Predsjednik Komisije informisao je članove da su zaključci Komisije doneseni na prethodnim sjednicama realizirani.

Ad – 2. Prijedlog Odluke o usvajanju Strategije zapošljavanja u Federaciji BiH (2023.-2030.)

Predsjednik je dao uvodne napomene i istakao da je Komisija zajedno sa Odborom za ekonomsku i finansijsku politiku te uz podršku Westminster fondacije za demokratiju dala svoj značajan doprinos u izradi Strategije. Članovima se obratila ovlaštena predstavica Federalnog ministarstva rada i socijalne politike i dala dodatna obrazloženja. Nakon sveobuhvatne diskusije i odgovora na postavljena pitanja, članovi Komisije jednoglasno podržavaju usvajanje Prijedloga Odluke o usvajanju Strategije zapošljavanja u Federaciji BiH (2023.-2030.).

Ad-3. Izvještaj o radu Federalnog zavoda za zapošljavanje za 2022. godinu

Članovima Komisije obratio se ovlaštena predstavnik Federalnog zavoda za zapošljavanje te dao detaljno obrazloženje za navedeni Izvještaj. U diskusiji koja je uslijedila, članovi Komisije još jednom su istakli činjenicu da na evidenciji nije stvaran broj nezaposlenih osoba i da se veći broj odnosi na ostvarivanje prava iz zdravstvenog osiguranja, te da to predstavlja veliko opterećenje po Zavod i one osobe koje aktivno traže zaposlenje. Nakon

sveobuhvatne diskusije pristupilo se izješnjanju, te je Komisija za pitanja mladih jednoglasno podržala usvajanje Izvještaja o radu Federalnog zavoda za zapošljavanje za 2022. godinu.

Ad-4. Tekuća pitanja

U okviru ove tačke dnevnog reda, predsjednik je istakao da Komisija nije bila u mogućnosti da razmatra rebalans Budžeta Federacije BiH za 2023. godinu zbog kratkog roka zakazivanja Vanredne sjednice Predstavničkog doma (dan pred održavanje sjednice Komisije), te nemogućnosti pozivanja i prisustva ovlaštenog predstavnika. Također je istakao činjenicu da je Komisija svoje mišljenje dala u julu prije nego što je isti povučen iz parlamentarne procedure. Budući da je sjednici prisustvao predstavnik Federalnog ministarstva kulture i sporta, članovi su ipak postavili određena pitanja u vezi rebalansa budžeta a koja se odnose na mlade i izradu Strategije za mlade u Federaciji BiH. Članovi Komisije su iskazali nadu da će se u Budžetu Federacije BiH za narednu godinu planirati i naći sredstava za tako jedan važan dokument Strategija za mlade u Federaciji BiH koji bi svakako doprinijeo njihovom boljem položaju u Federaciji BiH.

U skladu sa članom 53. Poslovnika Predstavničkog doma za izvjestioca je određen Eldar Čomor, predsjednik Komisije.

PREDSJEDNIK KOMISIJE
Eldar Čomor, s.r.